

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U ZENICI
Broj: 43 0 St 265262 25 St
Zenica, 27.11.2025. godine

Općinski sud u Zenici, stečajni sudija Amela Sinanović, u postupku koji je pokrenut po prijedlogu predlagatelja "AUTOCENTAR BEGANOVIĆ" d.o.o. Zenica, ul. Vrandučka br. 57, Zenica, koga zastupa Advokatsko društvo "Hadžimahmutović" d.o.o. Zenica, za otvaranje stečajnog postupka nad imovinom navedenog društva, van ročišta, dana 27.11.2025. godine, donio je sljedeće:

RJEŠENJE

Pokreće se prethodni postupak radi utvrđivanja uvjeta za otvaranje stečajnog postupka nad imovinom stečajnog dužnika AUTOCENTAR BEGANOVIĆ" d.o.o. Zenica, ul. Vrandučka br. 57, Zenica, MBS : 43-01-0332-10 (stari broj : 1-1486), JIB : 4218127220000.

Za privremenog stečajnog upravnika imenuje se Begagić Jasmin iz Zenice, ul. Londža br. 92.

Privremeni stečajni upravanik dužan je:

- obezbijediti imovinu stečajnog dužnika i starati se o njoj,
- izvršiti pregled dužnikovih poslovnih prostorija i izvršiti uvid u poslovne knjige i dokumentaciju dužnika,
- utvrditi da li postoje razlozi i uslovi za otvaranje i vođenje stečajnog postupka
- ispitati da li imovina stečajnog dužnika može pokriti troškove stečajnog postupka
- utvrditi da li se poslovanje stečajnog dužnika može u cjelini ili djelimično nastaviti u toku prethodnog postupka,
- uraditi kontrolu poslovana stečajnog dužnika
- utvrditi da li je stečajni dužnik odnosno organ ovlašten za zastupanje stečajnog dužnika podnio prijedlog za otvaranje stečajnog postupka u roku od 60 dana od dana nastupanja platežne nesposobnosti

Privremeni stečajni upravnik dužan je podnijeti pismeni izvještaj ovom sudu u roku od 30 dana od svog imenovanja u kojem će izvijestiti sud o poduzetim radnjama i iznijeti svoje stručno mišljenje o tome da li postoje razlozi za otvaranje stečajnog postupka, odnosno da li postoje izgledi da se poslovanje stečajnog dužnika u cjelini ili u pojedinim dijelovima nastavi.

Mjere pojedinačnog prinudnog izvršenja pokrenute protiv stečajnog dužnika se obustavljaju, a izlučna i razlučna prava povjerioci ne mogu ostvariti u predhodnom postupku. Stečajni dužnik ne može raspolagati budućom stečajnom masom bez saglasnosti privremenog stečajnog upravnika i suda, a sve to u cilju osiguranja buduće stečajne mase.

Pozivaju se povjerioci stečajnog dužnika da privremenom stečajnom upravniku bez odgađanja saopšte koje mjere obezbjeđenja buduće stečajne mase na predmetima imovine stečajnog dužnika oni zahtijevaju.

Rješenje će biti objavljeno na oglasnoj tabli suda, web stranici Općinskog suda u Zenici, na Internet stranici FIA-e i u „Službenim novinama F BiH, te će se dostaviti Odjeljenju registra ovog Suda, Zemljišno-knjižnom

uredu Općinskog suda u Zenici i Službi za katastar nekretnina Grada Zenica, radi upisa zabilježbe pokretanja prethodnog postupka.

Obrazloženje

Predlagatelj kao stečajni dužnik je dana 16.09.2025. godine ovom sudu podnio prijedlog za otvaranje stečajnog postupka u kojem navodi da društvo ne može izvršiti svoje obaveze, te predlaže da sud postupi u skladu sa Zakonom o stečaju.

Stečajni sudija je nakon što je utvrdio da je prijedlog za pokretanje stečajnog postupka podnesen od strane ovlaštenog predlagača u smislu odredbe člana 58. stav 2. Zakona o stečaju („Službene novine F BiH“, broj: 53/21) i da je isti dopušten, Rješenjem od 09.10.2025. godine naložio predlagaču da uplati novčana sredstva na ime predujma finansiranja troškova prethodnog postupka radi utvrđivanja uslova otvaranja stečajnog postupka, temeljem člana 60. Zakona o stečaju, a predlagač je u ostavljenom roku izvršio uplatu sredstava potrebnih za finansiranje prethodnog postupka.

Na osnovu dokumentacije priložene uz prijedlog za otvaranje stečajnog postupka i to Aktuelnog izvoda iz sudskog registra, Bilansa stanja na dan 31.12.2024. godine, Bilans uspjeha za period od 01.01. do 31.12.2024. godine, potvrde ASA Banka d.d. od 12.08.2025. godine, predlagač je učinio vjerovatnom platežnu nesposobnost.

Na osnovu podnesene dokumentacije, sud nije u mogućnosti da sam procijeni postojanje svih neophodnih uslova koje Zakon o stečaju predviđa za otvaranje stečajnog postupka, pa se temeljem odredbe člana 61. ovog Zakona donosi rješenje o pokretanju prethodnog postupka radi utvrđivanja uslova za otvaranje stečajnog postupka nad dužnikom i u tom pravcu imenuje privremeni stečajnog upravnika, sa liste stečajnih upravnika, te istom naložio da izvrši sve radnje navedene u izreci ovog rješenja, a sve u skladu sa članom 63. Zakona o stečaju.

Na osnovu iznesenog, a primjenom navedenih propisa, odlučeno je kao u izreci rješenja.

PRAVNA POUKA:

Protiv ovog rješenja dozvoljena je žalba u roku od 8 (osam) dana, računajući od dana objavljivanja. Žalbu mogu uložiti stečajni dužnik i privremeni stečajni upravnik. Žalba se podnosi Kantonalnom sudu u Zenici putem ovog Suda.

Stečajni sudija

Amela Sinanović, s.r.